

Aningaasaateqarfiit inuussutissarsiutitut ingerlatat pillugit inatsisip Kalaallit Nunaannut atortuulersinneqarneranik peqqussut

UAGUT MARGRETHE AAPPAAT, Guutip Saammaanneranik Danmarkip Dronningia, nalunaarpugut:

Aktieselskabet pillugit inatsisip, anpartsselskabet pillugit inatsisip, sulliviit inuussutissarsiutitut ingerlatat ilaat pillugit inatsisip, aningaasaateqarfiit inuussutissarsiutitut ingerlatat pillugit inatsisip, det europæiske selskab pillugu inatsisip (SE–inatsit) aamma Det Centrale Virksomhedsregister pillugu inatsisip (allaffisornermi nammatanik piuminarsaaneq aamma oqilisaaneq kiisalu suliffeqarfiit mikisut ilaannut il.il. kukkунersiuissusaatitaanerup annikillisarneqarnerata nassatarisaanik allannguutit) allanngortinneqarneri pillugit inatsimmi nr. 246-mi 27. marts 2006-imeersumi¹ § 8, imm. 2 naapertorlugu aalajangerneqarpoq, inatsit Kalaallit Nunaannut atuutissasoq, taamaalilluni aningaasaateqarfiit inuussutissarsiutitut ingerlatat pillugit inatsit Kalaallit Nunaannut ulloq 1. august 2008-mit atuutilissaaq imatut oqaasertaqarluni:

Kapitali 1

Inatsisip atuuffii

§ 1. Inatsit atuutissaaq aningaasaateqarfinnut, legatinut, iluaqutissiuiffinnut allanullu immiinnut ingerlattutut suliffeqarfinnut, imm. 2 malillugu inuussutissarsiutitut ingerlatatut (inuussutissarsiutitut ingerlatatut aningaasaateqarfiit) naatsorsuussanut.

Imm. 2. Aningaasaateqarfik inatsit manna malillugu inuussutissarsiutitut ingerlatatut naatsorsuunneqassaaq, imaappat:

- 1) nioqqutissanik pisinnaatitaaffinnilluunniit saqquminngitsunik allanut tunniussisarpas, sullissisarpas assigisaanillu suliaqartarpat, sulliviup nalinginnaasumik akissarsissutigisartaganik, imaluunniit
- 2) illuutinik tuniniaanermik imaluunniit attartortitsinermik ingerlataqarpat imaluunniit

¹ Inatsimmi nr. 246-mi 27. marts 2006-imeersumi § 8 aalajangersakkanik makkuninnga imaqarpoq: ”Imm. 1. Inatsit Savalimmiunut Kalaallit Nunaannullu atuutinngilaq. Imm. 2. Taamaattoq inatsimmi §§ 1-4- aamma 6 kunnigip peqqussutaatigut tamakkiisumik imaluunniit ilaannakuusumik nunanut taakkununga atortuulersinneqarsinnaapput, savalimmiuni imaluunniit kalaallit nunaanni pissutsit immikkut ittut atuuttut naapertorlugit allannguuserlugit.

- 3) aktieselskabit pillugit inatsimmi Kalaallit Nunaannut kunngip peqqussutaatigut atortuuler-sinneqartumi § 2, imm. 2-mi, tak. imm. 4 aamma 5, taaneqartutut aktieselskabimut ima-luunniit anpartsselskabimut sullivimmulluunniit allamut, nr. 1-imi imaluunniit 2-mi taane-qartutut ittumut attuumassuteqarpat, imaluunniit
- 4) malittarisassat imaluunniit isumaqatigiissut naapertorlugit sullivimmut allamut aalajangiisuusutut sunniuteqarpat aammalu taassuma ingerlatsinikkut angusaani annertuunik pisassaqaateqarpat sullivimmut allamut tassunga nr. 3-mi taaneqartutut attuumassuteqanngikka-luarluni.

Imm. 3. Aningaasaateqarfilli inuussutissarsiuutitut ingerlatatut naatsorsuunneqassanngilaq, aningaasaateqarfiup ingerlatsinera imaluunniit imm. 2, nr.3-mi taaneqartutut attuumassuteqar-figisaa annikitsuinnaappat imaluunniit aningaasaateqarfiup naliliutaasa tamarmiusut ilaminiin-nannguinit tunngasuussappat.

Imm. 4. Inatsimmi pineqanngillat:

- 1) aningaasaateqarfiit, inatsisikkut imaluunniit inatsit naapertorlugu imaluunniit Danmarkip naalagaaffiullu allap akornanni inuiaqatigiinnut assigiinngitsunut tunngasutigut isu-maqatigiissutaasigut pilersinneqartut, aamma naalagaaffiit arlaannut nakkutigisassanngorti-taasut,
- 2) Danmarks Nationalbank, sparekarsit, pensionskarsit aamma realkreditinstitutit akuerisat,
- 3) Inissaqartitsinerup tungaatigut suliffeqarfiit nalinginnaasut, ilinniarfiit aamma teknologik-kut sullissiviit akuerisaasut, aningaasaateqarfik pingaarnertut siunertami saniatigut suliassanik allanik isumagisassaqaanngippat,
- 4) aningaasaateqarfiit, isumaginninnikkut sullissineq pillugu Kalaallit Nunaannut inatsit naa-pertorlugu kommunip pisussaaffiinik naammassinninniarnissamik kommunimit isumaqati-giissuteqarfigineqarsimasut, aningaasaateqarfik taama ittoq suliassanik allanik isumagisas-saqanngippat,
- 5) suliffeqarfiit imminnut ingerlattut, pisortaniit akuerineqassagunik imaluunniit tapiiffigine-qassagunik pisortat oqartussaataannit inatsisit imaluunniit aalajangersakkat allat inatsisit allat naapertorlugit suliaasut malillugit nakkutigisassanngortitaasut aningaasaqarniarnikkut misissuiffigisartagassanngortitaasut.

Imm. 5. Aningaasaateqarfimmu oqartussaasut inuussutissarsiornermut ministerip akuersis-inneratigut aalajangiisinnaapput aningaasaateqarfiup inatsit manna malinnagu allatut iliornik-kut pisortaniit nakkutigisassanngortitaasup aningaasaqarniarnikkullu misissuiffigisartagassan-ngortitaasup inatsimmit tamakkiisumik ilaannakortumilluunniit pineqannginnissaa pillugu.

Imm. 6. Aningaasaateqarfiit, imm. 4 aamma 5 naapertorlugit inatsimmit pineqanngitsut, al-lattorsimaffiannik Erhvervs- og Selskabsstyrelsi pilersitsissaaq, Inuussutissarsiornermut mi-nisteri tamanna pillugu maleruagassanik erseqqinnerusunik aalajangersaasinnaavoq.

Imm. 7. Maleruagassaq § 57 a-miittoq taamatulli atortuutinneqassaaq aningaasaateqarfinnut, imm. 4-5 malillugit inatsisip atuuffiisa avataaniittunut. Aalajangiisuussaaq nakkutilliisutut oqartussaataitaq pineqartoq.

§ 2. Aningaasaateqarfik § 1, imm. 2, nr. 3-mi pineqartoq, aningaasaateqarfittut piginnittuusut-naatsorsuunneqassaaq, aammalu alla imaluunniit aktieselskabit anpartsselskabilluunniit sulliviilluunniit allat aningaasaateqarfiup paragrafimi tassani taaneqartutut atassuteqarfigisai sullivittut pigisatut naatsorsuunneqassapput.

Imm. 2. Aningaasaateqarfik piginnittoq pigisatullu sulliviutai peqatigiillutik tassaapput inger-lasseqatigiit (koncern).

§ 3. Aningaasaateqarfik inatsimmit matumangga pineqarnersoq nalornisoorutaanerani Erhvervs- og Selskabsstyrelsi aalajangiisuusaaq.

Kapitali 2

Taaguut

§ 4. Aningaasaateqarfiit inuussutissarsiutitut ingerlatat taaguutiminni oqaaseq “aningaasaateqarfik” atussavaat.

Imm. 2. Aningaasaateqarfiit inuussutissarsiutitut ingerlatat taaguutaat aningaasaateqarfiit allat taaguutaanniit ersarissumik immikkooruteqassapput aamma tammarsaariniutaassanngillat. Taaguummi piginnaatitaanani ilanngunneqassanngillat eqqarleriit aqqi, firmap, illuutit aqqi immikkuullarissut, nioqutissap ilisarnaataa, niuernermi ilisarnaat assigisaallu, aningaasaateqarfimmut attuumassuteqanngitsut, imaluunniit taassumunnga paarlaanneqarsinnaasut.

Imm. 3. Aningaasaateqarfiup inuussutissarsiutitut ingerlatap taaguutaa, angerlarsimaffia (qullersaqarfik) kiisalu nalunaarsorneqarnermi normua, aningaasaateqarfinnut inuussutissarsiutitut ingerlatanut nalunaarsuiffimmi allanneqarfigisaa, aningaasaateqarfiup allagaani niuernermilu pappialaani allani allassimassapput.

Imm. 4. Aningaasaateqarfik aamma saniatigut taaguutinik atuilluni ingerlataqarpat, taakku malittarisassani aningaasaateqarfiup taaguutaanut atatillugu taaneqassapput. Imm. 1 aamma 2 taamatulli atortuutinneqassapput aningaasaateqarfiit inuussutissarsiutitut ingerlatat saniatigut taaguutaanut. Saniatigut taaguummik atuisoqartillugu aningaasaateqarfiup pingaarnertut taaguutaa ungaluuserlugu saniatigut taaguummut ilanngunneqartassaaq.

Kapitali 3

Pilersitsinermik nalunaarsuineq

Malittarisassat

§ 5. Aningaasaateqarfik inuussutissarsiutitut ingerlataq siulersuisunit Erhvervs- og Selskabsstyrelsimi nalunaarsugassatut (aningaasaateqarfinnut inuussutissarsiutitut ingerlatanut nalunaarsuiffik) nalunaarutigineqassaaq.

Imm. 2. Erhvervs- og Selskabsstyrelsi paasisutissanik, nalunaarsuinissamut piumasaqaatit naammassineqarsimanersut naliliinermut pisariaqartunik, tunniusseqquisinnaavoq.

§ 6. Aningaasaateqarfik inuussutissarsiutitut ingerlataq, Erhvervs- og Selskabsstyrelsimi nalunaarsorneqarsimanngitsoq, taamaattutut pisinnaatitaaffinnik pissarsisinnanuanilu pisussaaffilersorinnaanngilaq. Aamma eqqartuussivikkut suliasani illuatungiliussinnaanngilaq pilersitsineq pillugu suliaasiissutit eqqaassanngikkaanni.

Imm. 2. Pisussaaffimmut, nalunaarsorneqarneq sioqqullugu aningaasaateqarfik sinnerlugu pisussaaffiulersumut, nammaqatigiinnikkut akisussaaffiginnittuussapput pisussaaffiliisuusut imaluunniit tamatumunnga akisussaaqataasut. Pisussaaffiit tamakku aningaasaateqarfiup nalunaarsorneqarnermi tigussavai.

Imm. 3. Aalajangersakkat imm. 1-miittut aamma 2-miittut atuutissanngillat aningaasaateqarfinnut, aningaasaateqarfiit peqatigiiffiillu ilaat aalajangersimasut pillugit inatsit

Kalaallit Nunaannut kunngip peqqussutaatigut atortuulersinneqarsimasoq naapertorlugu ingerlatsereersimasunut.

§ 7. Aningaasaateqarfik inuussutissarsiutitut ingerlataq pillugu malittarisassiortoqassaaq. Taanna taaguutiniq makkuninnga imaqassaaq:

- 1) aningaasaateqarfiup taaguutaa,
- 2) aningaasaateqarfiup pilersitsisua (pilersitsisui),
- 3) nunami maani kommuni, aningaasaateqarfiup angerlarsimaffigisassaa (qullersaqarfik),
- 4) aningaasaateqarfiup siunertai,
- 5) tunngaviusumik aningaasaatit annertussusii, aamma qanoq iliornikkut akilerneqarsimanerat (aningaasannorlugit imaluunniit nalilinnik allanik),
- 6) aningaasaateqarfik pilersitsinermut atatillugu naliliutinik allanik aningaasaannaanngitsunik tigusaqassanersoq,
- 7) immikkut ittumik piginnaatitaaffiusinnaasut imaluunniit ajunngitsorsiasaasinnaasut, pilersitsisunut allanulluunniit pigisassanngortitat,
- 8) siulersuisuni ilaasortat amerlassusaat, qanorlu toqqarneqarsimanerat,
- 9) naatsorsuusiorneq, ilanngullugu ukioq naatsorsuusiorkfik,
- 10) sinneqartoorutinik atuineq.

Imm. 2. Allakkiat, malittarisassani innersuunneqartut, kisianni pingaarnertut imarisaat malittarisassani issuarneqarsimanngitsut, tassunnga ilanngunneqassapput.

Imm. 3. Pissutsit imm.1, nr.4-mi 10-milu taaneqartut pillugit najoqqutassianik nalinginnaasunik siulersuisut aalajangersaappata taakku Erhvervs- og Selskabsstyrelsimut nassiunneqassapput.

§ 8. Malittarisassani aalajangersakkat, aningaasaateqarfimmiit agguaanissami ilaqutariit aalajangersimasut ilaannut imaluunniit ilaqutariinnut aalajangersimasunut salliutitsisussat, imarisai malillugit salliusussaatitsineq inunnut pilersitsinerup nalaani suliuumasuinnaanngitsunuttaaq aammalu taakkununga naleqqiullugu kinguaassanut suliuunngunngitsunut ingerlaqqittussaattillugu inatsisitigut sunniutissaqanngilaq.

Imm. 2. Imm. 1-imi aalajangersagaq taamatuttaaq atuutissaaq malittarisassani aalajangersakkamut, tassani ilaqutariit aalajangersimasut ilaqutaat imaluunniit ilaqutariit ilaat aalajangersimasumik atorfeqarnissaminnut siulliutinneqarlutik imaluunniit allatut periuseqartoqarluni, matumani ilanngunneqarlutik sulinikkut akissarsiat, aningaasaateqarfimmiit imaluunniit sullivimmiit, aningaasaateqarfiup aalajangiisartutut sunniuteqarfigisaaniit, aningaasanik pisartagaqartoqarluni. Tamannali atuutissanngilaq siulersuisuni ilaasortatut suliaasaqartitaanermut.

Kapitali 4

Aningaasaatit

§ 9. Aningaasaateqarfik inuussutissarsiutitut ingerlataq tunngaviusunik aningaasaateqassaaq minnerpaamik 300.000 kr.-nik. Aningaasaateqarfik nalunaarsorneqarsinnaanngilaq, tunngaviusumik aningaasaatissatut malittarisassani aalajangersakkat tamakkerlugit akilerneqareersinnagit.

Imm. 2. Aningaasaateqarfiup tunngaviusumik aningaasaatai aningaasaannaanngitsunik nalilinnilli allanik tamakkiisumik ilaannakortumilluunniit akilerneqassappata, imaluunniit ani-

ngaasaateqarfiup pilersitsinermut atatillugu naliliutit taama ittut tigussappagit, pissutsit aningaasaliissutinik imaluunniit tigusinermik naliliinermut pingaarutillit nassuiarneqassapput. Nassuiaat akiliutaasut naliliutilluunniit tigusat ataasiakkaat nassuiarneqarnerannik imaqaassaaq aammalu inuit, akiliutit imaluunniit tigusinissaq pillugu isumaqatigiissummit pineqartut, aqqi najugaallu taagorneqassapput. Tamatumunnga atatillugu kukkunerisuiisoq naalagaaffimmit akuerisaq imaluunniit nalunaarsugaq nalunaaruteqassaaq nalilik, aningaasaliissutitut imaluunniit naliliutit tigusat naatsorsuutitut ilanngunneqarsinnaasoq, pillugu, matumani ilanngunneqassalluni naliliinermi periuseq atorsimasaq.

Imm. 3. Aningaasaannaangitsunik nalilinnilli allanik aningaasaliissutitut akiliutit aningaasanngorlugit nalilerneqarsinnaasuussapput aamma pisussaaffimmik tigusinikkut imaluunniit sullissisussanngornikkut tunniunneqarsinnaanatik.

Imm. 4. Aktiat obligationillu, fondsbornisi nalunaarsugassanngortitat, tak. pappiaqqanik nalilinnik niuerneq il.il. pillugu inatsimmi Kalaallit Nunaannut kunngip peqqussutaatigut atortuulersinneqartumi kapitali 3, pisinermi naliusutut kingullermik nalunaarsugaq tunngaviutinneqarsinnaavoq. Aktianut allanut obligationinullu allanut, anpartsselskabini piginneqataassutitut kiisalu pigisatut sullivinni aningaasaatitut pisassanut akileraarutit nalingat tunngaviutinneqarsinnaavoq.

Imm. 5. § 53, imm. 2 naapertorlugu nalunaarutiginnineq sioqqullugu qaammatit sisamat kingulliit iluini nalunaaruteqartoqarsimangippat, kukkunerisuiisoq uppenarsaateqareersoq ilaassutitut uppenarsaateqaaqqissaaq aningaasaannaangitsunik nalilinnilli allanik akiliutit nalingisa annertuumik allannguuteqarsimanerat pillugu.

§ 10. Aningaasaateqarfiup inuussutissarsiutitut ingerlatap tungaviusumik aningaasaatai qaffanneqarsinnaapput siulersuisut aalajangiineratigut:

- 1) sillimmatinik imaluunniit sinneqartoorutinik nuussinikkut aningaasaateqarfiup ukiumoortumik nalunaarusiaa kukkunerisugaq kingulleq naapertorlugu
- 2) kingornussatigut, tunissutitigut assigisaattulluunniit akileeqaataassutitigut, aningaasaateqarfiup tungaviusumik aningaasaataanut qaffaatissatut tigusimasaatigut.

Imm. 2. Siulersuisut malittarisassanik allannguuteqartitsissapput, imm. 1 naapertorlugu qaffaanissat nassatarisaanik allannguutaasariaqartunik.

Imm. 3. Aningaasaatinik qaffaanerni, kingornussatigut, tunissutitigut assigisaattulluunniit aningaasaannaangitsunik nalilinnik allanik akileeqaataassutitigut pisuni, § 9, imm. 2-5-imi maleruagassat atuutissapput, taamaattorli imm. 2, oqaaseqatigiit kingulliit malillugit aningaasaateqarfiup kukkunerisuisua nalunaaruteqartuussaaq.

Imm. 4. Aningaasaatinik qaffaanerni, sillimmatinik sinneqartoorutinilluunniit nuussinikkut pisuni, aningaasaateqarfiup kukkunerisuisuata nalunaaruteqassaaq aningaasaateqarfiup aningaasaqarniarnermigut inissisimaffia imatut ajorseriarsimangitsoq sillimmatit sinneqartoorutilluunniit, nuunneqartut, piujunnaarsimallutik.

Imm. 5. Imm. 1 malillugu aningaasaatinik qaffaaneq Erhvervs- og Selskabsstyrelsimut nalunaarutigineqassaaq, taamaalilluni nalunaarut tiguineqarsimassalluni sillimmatiniit imaluunniit sinneqartoorutiniit nuussinissaq pillugu aalajangiinnermiit, taamatullu qaffaatissat aningaasartaasa isertillugit akilerneqareernerisa kingorna, kingusinnerpaamik sapaatit akunnerisa arfineq-marluk qaangiunneranni.

§ 11. Tunngaviusumik aningaasaatinik ikililerinermi aningaasaateqarfimmut oqartussaasut akuersisinneqartariaqarput. Inuussutissarsiornermut ministeri maleruagassiorsinnaavoq akuersinerup nalunaarutigineqarnissaa pillugu, matumani ilanngullugit akiligassaqarfigisanut

ilisimatitsissuteqarnissaq, kiisalu Erhvervs- og Selskabsstyrelsimut nalunaarutiginninnissaq pillugu.

Imm. 2. Malittarisassani aalajangerneqarsinnaavoq tunngaviumik aningaasaatit piffissap erseqqinnerusumik aalajangikkap ingerlanerani aningaasanik aalajangersimasunik imaluunniit pisassanik aalajangersimasunik ikililernerqartassasut siunertanut agguaanissaq siunertaralugu. Ikililerinerup nassatarisaanik malittarisassat pisariaqarneratut allannguutissaat siulersuisunit aalajangiiffigineqassapput Erhvervs- og Selskabsstyrelsimullu nalunaarutigineqassallutik, nalunaarut aalajangeereermermiit kingusinnerpaamik sapaatit akunnerisa arfineq-marluk qaangiunnerisigut tiguneqareersimasussanngorlugu. Oqaaseqatigiit siulliit naapertorlugit tunnga-viumik aningaasaatiniit agguaneq ikililerinerlu aatsaat pisinnaassapput aningaasaateqarfiup kukkunerisuisuata uppersarpagu aningaasaateqarfik agguareernikkut qularutissaanngitsumik naammattunik aningaasassaqaassaq akiligassaqarfigisaminut matussusiinnaalluni.

Imm. 3. Tunngaviumik aningaasaatit § 9, imm. 1, oqaaseqatigiinni siullerni minnerpaaffissatut aalajangikkat inulersillugit ikililernerqarsinnaanngillat.

Kapitali 5

Siulersuisut

§ 12. Aningaasaateqarfik inuussutissarsiutitut ingerlataq siulersorneqassaaq siulersuisunit, siulersuisuni ilaasortat § 22, imm. 1, oqaaseqatigiit siulliit malillugit qinerneqartussat saniatigut ikinnerpaamik pingasunik ilaasortalinnit. Siulersuisuni ilaasortat allattorsimaffiat Erhvervs- og Selskabsstyrelsimut nalunaarsugassatut nassiunneqassaaq.

Imm. 2. Siulersuisut pisortamik ataatsimik arlalinnilluunniit atorfinitsitsisnaapput.

Imm. 3. Siulersuisuni ilaasortat amerlanersaat aningaasaateqarfimmi pisortatut atorfeqarsimasuussanngillat. Pisortaq aningaasaateqarfimmut oqartussaasut akuersiseqqaartinnagit siulittaasussatut qinerneqassanngilaq.

§ 13. Siulersuisuni ilaasortat pisortallu nammineersinnaassuseqartuussapput aammalu namminersorsinnaanermik inatsit Kalaallit Nunaannut kunngip peqqussutaatigut atortuulersinneqarnikuusoq naapertorlugi pigisat tungaasigut siunnersortissalernerqarsimasuussanatik. Pisortat siulersuisunilu ilaasortat ikinnerpaamik affaat nunami maani najugaqartuussapput, aningaasaateqarfimmut oqartussaasut piunasaqaat taanna atuutinngitsoortissimanngippassuk imaluunniit piunasaqaat taanna nunanut allanut pisussaaffinnut akerliunngippat.

§ 14. Siulersuisuni ilaasortaq qaqugukkulluunniit siulersuisunit tunuarsinnaavoq.

Imm. 2. Siulersuisuni ilaasortaq tunuassaaq akiliisnaajunnaaruni.

Imm. 3. Siulersuisuni ilaasortaq, iliutsimik siulersuisuni ilaasortaaginnarnissamut naleq-qukkunnaartitsisumik pisuussuteqartoq siulersuisunit tunuassaaq.

Imm. 4. Siulersuisuni ilaasortaq sivisuumik napparsimaneq allatulluunniit sanngiillisimaneq pissutigalugu siulersuisuni ilaasortatut sulisnaajunnaartoq, imaluunniit erseqqissumik piukkunnaateqanngitsutut paasinarsisoq, siulersuisunit tunuassaaq.

§ 15. Aningaasaateqarfimmut oqartussaasut siulersuisuni ilaasortamik pisortamilluunniit, § 13-imi piumasaqaatinik naammassinninngitsumik, tunuartitsisinnaapput. Aningaasaateqarfimmut oqartussaasut aammattaaq siulersuisuni ilaasortamik, aningaasaateqarfimmik pilersitsinermi allakkiani malittarisassaniluunniit piumasaqaatinik naammassinninngitsumik, imaluunniit § 14, imm. 2-4-mi maleruagassat malillugit tunuartsannngortumik, tunuartsisinnaapput.

§ 16. Siulersuisuni ilaasortap tunuarnerani ilaasortassamik nutaamik toqqaasoqassaaq malittarisassanut naapertuuttumik.

Imm. 2. Malittarisassanut naapertuuttumik toqqaasoqanngippat aningaasaateqarfimmut oqartussaasut toqqaassapput.

§ 17. Pilersitsisoq, taassuma aapparisaq inuilluunniit inunnut taaneqartunut ilaqutaanermikkut imaluunniit siuaamigut kinguaamigulluunniit ilaqutai imaluunniit aappaanikkut imaluunniit qatanngutaanikkut attuumassuteqartut aningaasaateqarfimmut oqartussaasut akuersiseqqaartinnagit siulersuisuni amerlanerussuteqarsinnaanngillat.

Imm. 2. Aningaasaateqarfik ingerlatseqatigiiffimmit pilersinneqassappat, inuk ingerlatseqatigiiffimmi aningaasaatit taasisinnaatitsisut affaat sinnerlugit toqqaannartumik toqqaannanngikkaluartumilluunniit piginnittuusoq inuit imm. 1-imi taaneqartutut imminut qanitsigalutik attuumassuteqartut peqatigalugit siulersuisuni amerlanerussuteqarsinnaanngilaq aningaasaateqarfimmut oqartussaasut akuersiseqqaartinnagit, soorlulu inuit kingullertut taaneqartut aamma aningaasaateqarfimmut oqartussaasut akuersiseqqaartinnagit siulersuisuni amerlanerussuteqarsinnaanatik.

§ 18. Siulersuisuni ilaasortat pillugit inatsimmi aalajangersakkat ilaasortat sinniisissaannut taamatulli atortuutinneqassapput.

§ 19. Siulersuisuni ilaasortanut akissarsiarititat suliasarititaasut suussusaat annertussusaallu malillugit pisarnertut isigineqarsinnaasunit annerussanngillat.

Imm. 2. Inuussutissarsiornermut ministeri siulersuisuni ilaasortanut akissarsiarititassat annertussusissaat pillugit maleruagassiorsinnaavoq. Akissarsiat, maleruagassanut taakkununga naapertuuttumik annertussusiligaanngitsut, aningaasaateqarfimmut oqartussaasunut akuersissutigittinneqassapput.

Imm. 3. Aningaasaateqarfimmut oqartussaasut akissarsiat annertuallaartutut isumaqarfigisatik ikililersinnaavaat.

§ 20. Siulersuisuni ilaasortaq pisortarluniit aningaasaateqarfiup namminerlu akunnermini isumaqatigiissutit pillugit apeqqutit aalajangiiffiginiarneranni imaluunniit pineqartumik nammineramik eqqartuussisulersuussassanngortitsinermi imaluunniit aningaasaateqarfiup allallu akornanni isumaqatigiissutit pillugit aalajangiiniarnerni imaluunniit inummik allamik eqqartuussisulersuussassanngortitsinermi peqataassanngilaq, pineqartoq tamatumani annertuumik soqutigisaqartuuppat, aningaasaateqarfiup soqutigisaanut akerliusinnaasumik.

§ 21. Siulittaasup isumagissavaa siulersuisut ataatsimiittarnissaat, tamanna pisariaqaleraanngat, nakkutigissavaalu ilaasortat tamarmik aggersarneqarnissaat.

Imm. 2. Siulersuisut aalajangiisinnaassuseqassapput ilaasortat affaat amerlanerusulluunniit, malittarisassani pequssutigineqartutut amerlasussusillit, najuukkaangata. Malittarisassani

allatut aalajangiisoqarsimangippat siulersuisut nalinginnaasumik taasinermi amerlanerussuteqarnikkut aalajangiisassapput, taasinerillu amerlaqatigiippata siulittaasup taasineri aalajangiisuusassaaq.

Imm. 3. Aningaasaateqarfiup siulersuisui aatsaat aningaasaateqarfirmut oqartussaasunit akuerineqarlutik immikkut ittunik, malittarisassat malinneqanngitsoornerannik kinguneqariataarsinnaasunik, iliuseqarsinnaatitaapput imaluunniit taamatut iliuseqarnermi peqataasinnaapput

Imm. 4. Siulersuisuni isumaqatigiinniarnit allattaavinnut allattorneqartassapput, ilaasortanit najuuttunit tamanit atsiorneqartussat. Siulersuisuni ilaasortaq pisortarlunniit siulersuisut aalajangiinerannut isumaqataanngitsoq piginnaatitaavoq isummami allattaavinnut allatsinnissaanut.

Imm. 5. Kukkunersuiusoq siulersuisut ataatsimiinneranni ukiumoortumik nalunaarusiat il. il., kukkunersuiusumik oqaaseqaatitalerneqartussat, sammineqarneranni peqataasinnaatitaavoq.

Imm. 6. Kukkunersuiunermut allattaaviit, kukkunersuiusarneq pillugu inatsit naapertorlugu kukkunersuiusup allattortagassai, siulersuisut ataatsimiinnerini tamani saqqummiunneqartassapput. Allattaavinnut allatat tamarmik siulersuisunut ilaasortanit tamanit atsiorneqartassapput.

§ 21 a. Siulersuisut sioqqutsisumik aalajangiissatillugit siulersuisunut suliassaaritit ilaat erseqqinnerusumik suussusilikkat allakkatigut suliarineqarsinnaapput, tamanna sammineqartut qanoq ittuunerannut naleqquttuuppat. Oqaaseqatigiinni siullerni aalajangersagaq apeqqutaatinnagu siulersuisunut ilaasortap ataatsip imaluunniit pisortap piumasarisinnaavaa siulersuisut ataatsimiissasut. Siulersuisut ataatsimiittarnerat pillugu inatsimmi aalajangersakkat pisariaqartunik allannguuserlugit taamatuttaaq atuupput siulersuisut allakkatigut ataatsimiinnerinut.

Imm. 2. Siulersuisut ataatsimiissinnaapput attaveqaatit elektroniskit atorlugit (siulersuisut elektroniskimik ataatsimiinnerat), tamanna siulersuisut suliaminnik isumaginninnissaannut naleqquttuuppat. Oqaaseqatigiinni siullerni aalajangersagaq apeqqutaatinnagu siulersuisunut ilaasortap ataatsip imaluunniit pisortap piumasarisinnaavaa siulersuisut ataatsimiissasut naapeqatigiillutik. Siulersuisut ataatsimiittarnerat pillugu inatsimmi aalajangersakkat pisariaqartunik allannguuserlugit taamatuttaaq atuupput siulersuisut elektroniskimik ataatsimiinnerinut.

Imm. 3. Siulersuisut aalajangiisinnaapputtaaq allakkianik elektroniskimik paarlaaqatigiittoqassasoq kiisalu siulersuisut elektroniskimik ataatsimiinnerannut atugassamik attaveqaatigiinnermi elektroniskimik allaffigeqatigiittoqassasoq inatsit manna naapertorlugu pappiaqqatigut nassiussinissamut imaluunniit saqqummiussinissamut taarsiullugu.

§ 22. Aktieselskabit pillugit inatsimmi Kalaallit Nunaannut kunngip peqqussutaatigut atortuulersinneqarsimasumi aamma siulersuisuni ilaasortassanik sulisut qinersisarnerat pillugu inatsit taanna naapertorlugu maleruagassiani allassimasut taamatulli atortuutinneqassapput aningaasaateqarfirmi inuussutissarsiutitut ingerlatami taassumalu pigisatut sulliviini. Siulersuisuni ilaasortat, sulisunit qinerneqartussat, taamaallaat peqataasassapput apeqqutit, inuussutissarsiutitut ingerlatsinermit attuumassuteqanngitsut suliarineqarnerini, tamanna malittarisassani aalajangerneqarsimassappat. Siulersuisuni ilaasortassat nutaat siulersuisunit toqqarneqartussaatiillugit siulersuisuni ilaasortat sulisunit qinikkatut toqqanerni peqataassanngillat, malittarisassani allatut aalajangiisoqarsimangippat.

Imm. 2. Imm. 1, oqaaseqatigiit aappaat pingajuiluunniit malillugit siulersuisuni ilaasortat sulisut qinigaat aalajangiiniarnerni peqataasinnaatinngit, siulersuisuni ilaasortat pineqartut naatsorsuutigineqassanngillat, aalajangiinissami ilaasortat aalajangersimasumik amerlassusillit imaluunniit ilaasortat ilaat aalajangersimasumik amerlassusillit najuunnissaat pisariaqaraangat.

Imm. 3. Imm. 1-imi 2-milu aalajangersakkat atortuutinneqassanngillat piginnittuusutut aningaasaateqarfinnut, tak. § 2, inuussutissarsiutit sulinerat taamaallaat tusagassiuisarfinnik ingerlatsinerusunut tamatumuunakkullu sullivimmut nallersuunneqarsinnaasunut.

§ 23. Piginnittuusutut aningaasaateqarfinmi aningaasaateqarfiup siulersuisuini ilaasortat qullersaasullu ataasiakkaat siulersuisunut imaluunniit qullersaqarfinnut ilanngunnerminni pigisatut sullivinni aningaasaleeqataassutitik pillugit siulersuisunut nalunaaruteqassapput kiisalu peqataassutinit taamaattunit kingusinnerusukkut pissarsiatik tunisimasatillu nalunaarutigissavaat. Nalunaarutit tamakku immikkut ittumik allattaavinnut allanneqassapput. Aningaasaateqarfiup siulersuisuisa qinersinnaavaat ingerlasseqatigiit tamarmiusut sulliviutaannut ataatsimoortumik allattaaveqartoqassasoq.

Imm. 2. Aningaasaateqarfinmi piginnittuusumi siulersuisuni ilaasortat pisortallu pigisatut sullivinni aningaasaleeqataassutit tungaasigut iluanaarniutitut ingerlataqassanngillat taamaattuniluunniit peqataassanatik.

§ 24. (Atorunnaarsinneqarpoq).

Imm. 2. Aningaasaateqarfiup piginnittuusup pigisatut sulliviit pissutsinik ingerlasseqatigiit inuussutissarsiutitut ingerlatsinerat tamaat isigalugu soqutiginaatilinnik ilisimatittuartaassavai. Pigisatut sullivik aammattaaq ilisimatinneqartassaaq pigisatut sullivimmut annertuumik pingaarutilittut aalajangiiniassamaarnernik.

§ 25. Siulersuisut aqutsineq aammalu aningaasaateqarfiup inuussutissarsiutitut ingerlatap sulineranik aaqqissuussineq isumagissavaat. Qullersaqarfeqarpat, aqutsineq siulersuisunit qullersaqarfinmiillu isumagineqassaaq.

Imm. 2. Qullersaqarfiup aningaasaateqarfinmik ulluinnarni aqutsineq isumagissavaa tamatumani lu siulersuisut najoqqutassiaat inassutigisaallu malissallugit.

Imm. 3. Siulersuisut nakkutigissavaat naatsorsuutitut allattuinerup aningaasaatinillu aqutsinerup aningaasaateqarfinmi pissutsit malillugit naammagisimaarnartumik misissorneqartarnissaat. Qullersaqarfeqarpat, taassuma aningaasaateqarfinmi naatsorsuutitut allattuinerup tamanna pillugu inatsisit maleruagassartaat malillugit pinissaa isumagissavaa, kiisalu aningaasaatinik aqutsinerup isumannaatsumik ingerlanneqarnissaa.

Imm. 4. Siulersuisut kisimik suliffeqarfik sinnerlugu iliuuseqarnissamut piginnaatitsissuteqarsinnaapput.

§ 25 a. Siulersuisut aamma qullersaqarfiup kukkuneruisoq paasissutissittassavaat aningaasaateqarfinmik naliliinermut pingaaruteqarsorineqartunik aamma, aningaasaateqarfik piginnittuuppat, ingerlatseqatigiiffissuaq taamatut paasissutissittassavaat.

Imm. 2. Siulersuisut qullersaqarfiullu kukkuneruisoq pisariaqarsorisaaq misissuisinnaatissaavaat, aamma kukkuneruisup suliassaminik ingerlatsinissaminut pisariaqarsorisaminik paasissutissinneqarnissaa ikiorserneqarnissaalu isumagissavaat.

§ 26. Siulersuisuni ilaasortaq, pisortaq, aningaasaateqarfimmut oqartussaasut imaluunniit Erhvervs- og Selskabsstyrelsi piumasaqarsinnaapput siulersuisut ataatsimiigiqquneqassasut.

§ 27. Aningaasaateqarfik inuussutissarsiutitut ingerlataq neriorsueqatigiinnerni inatsisitigut pisussaaffiliisuni, siulersuisunit tamarmiusunit imaluunniit siulersuisuni ilaasortamit ataatsimit pisortamilluunniit aningaasaateqarfik sinnerlugu neriorsueqatigiinnerusuni, pisussaaffilerneqassaaq.

Imm. 2. Atsiuisinnaatitaaneq, imm. 1 malillugu siulersuisuni ilaasortanit ataasiakkaanit qullersaqarfimmillu pigineqartoq, malittarisassani killiliiffigineqarsinnaavoq imaalillugu ilaasortat amerlanerit peqatigiinnikkut imaluunniit ilaasortat aalajangersimasut arlallilluunniit tamarmik immikkut imaluunniit peqatigiinnikkut atsiuisinnaanngorlugit. Atsiuisinnaatitaanermi allatut killiliineq nalunaarsorneqarsinnaanngilaq.

Kapitali 6

Kukkunersiuneq il. il.

§ 28. (Atorunnaarsinneqarpoq).

§ 29. Aningaasaateqarfiup inuussutissarsititut ingerlatap ukiumoortumik nalunaarusiaa kukkunersiorneqassaaq kukkunersiuisumit ataatsimit arlalinnilluunniit siulersuisunit imaluunniit malittarisassat naapertorlugit toqqakkanit.

Imm. 2. Aningaasaateqarfimmi kukkunersiuisoqanngippat, aningaasaateqarfimmut oqartussaasut kukkunersiuisussamik toqqaassapput.

Imm. 3. Kukkunersiuisup misissortassavaa siulersuisut allattaavinnik, nalunaarsuutitik pilersitsillutik allattuisussaanertik eqquutsinneraat, kiisalu kukkunersuinnermut allattaavinnik saqqummiussisussaaq atsiuisussaanerlu pillugit maleruagassat eqquutsinneraat. Piumasaqaatit eqqartorneqartut eqquutsinneqannginnerannik kukkunersiuisoq paasisaqaruni tamanna pillugu immikkoortumik nalunaarusiussaaq aningaasaateqarfimmut oqartussaasunut nassiunneqartussamik.

Imm. 4. Kukkunersiuisoq tunuassappat, imaluunniit kukkunersiuisumut suliassarititaasut naammassineqariartinnagit kukkunersiuneq allatut iliornikkut unitsinneqassappat kukkunersiuisup tamanna Erhvervs- og Selskabsstyrelsimut ingerlaannaq nalunaarutigissavaa.

§ 30. (Atorunnaarsinneqarpoq)

§ 31. (Atorunnaarsinneqarpoq)

§ 32. Kukkunersiuisoq kukkunersiuisussatut toqqaasumit imaluunniit aningaasaateqarfimmut oqartussaasunit tunuartinneqarsinnaavoq.

§ 33. (Atorunnaarsinneqarpoq)

§ 34. Kukkunersiuisup aningaasaateqarfiup naatsorsuutaanik aammaluni aningaasaateqarfimmi pissutsinik allanik isornartorsiuinertalimmik misissuinnerminut atatillugu kukkunersiuisarneq pillugu piumasaqaatit, Erhvervs- og Selskabsstyrelsip imaluunniit aningaasaateqarfimmut oqartussaasut piumasaqaatigisaat, malissavai.

Imm. 2. Kukkunersiuisoq aamma maluginiaqqusissutimini paasissutissiisinnaavoq, Erhvervs- og Selskabsstyrelsimut imaluunniit aningaasaateqarfimmumut oqartussaasunut ilisimasassaattut eqqortuusorisaminik.

§ 35. (Atorunnaarsinneqarpoq)

§ 36. (Atorunnaarsinneqarpoq)

§ 37. Erhvervs- og Selskabsstyrelsimut aningaasaateqarfimmullu oqartussaasut kukkunersiuisoq peqqusinnaavaat aningaasaateqarfimmi pissutsinik paasissutisseqqullugu.

§ 38. (Atorunnaarsinneqarpoq)

§ 39. Aningaasaateqarfinnut, Namminersornerullutik Oqartussanit imaluunniit kommunimit kukkunersiuiiffiqartussaasunut, kukkunersiuisarneq pillugu maleruagassat kapitali 6-imiittut aamma ukiumoortumik naatsorsuutit pillugit inatsimmiittut, Kalaallit Nunaannut kunngip peqqussutaatigut atortuulersinneqarsimasumi, atortuutinneqassanngillat.

Kapitali 7

Agguaasarneq angusanillu atuisarneq

§ 40. Siulersuisut pisussaaffigaat siunertanut, malittarisassani aalajangersarneqartunut, § 41 naapertorlugu agguaasarnissaq. Siulersuisut aningaasaateqarfiup isumannaallisaatissaanik naammaginatuninik toqqorsisarsinnaapput.

§ 41. Agguaassassatut atorqeersinnaapput aningaasat aningaasaateqarfiup ukiumoortumik nalunaarusiaani kingullermi akuerisami sinneqartoorutit sillimmatitullu nuussatut allanneqarsimasut, amigartoorutit nuussat ilanngaatilugit. Makkuli atorqeersinnaanngillat:

- 1) Piginneqataassutit nalissavii tunngavigalugit naatsorsueriaaseq malillugu qaffaanissamut sillimmatit,
- 2) qaffaanissamut aamma qummut iluarsiiviginninnissamut sillimmatit allat tamarmik kiisalu
- 3) sillimmatit, malittarisassat malillugit imaannaq atorqeersinnaanngitsut

Imm. 2. Piginneqataassutit nalissavii tunngavigalugit naatsorsueriaaseq malillugu qaffaanissamut sillimmatit tamakkiisumik ilaannakortumilluunniit atorqeersinnaapput amigartoorutinik, allatut iliornikkut ikililerneqarsinnaanngitsunut, ikililerinermut.

Imm. 3. Imm. 1-imi taaneqartut saniatigut § 11 malillugu aningaasat aningaasaatinut ikililerissutit agguaassassatut atorqeersinnaapput.

§ 42. Siunertanut agguaassineq aningaasaateqarfiup aningaasassaqaarneranut erseqqissumik naleqqutinngippat, aningaasaateqarfimmumut oqartussaasut siulersuisunut inassutigisinnaavaat agguaassassat amerliniarnissaat imaluunniit ikililernissaat isumaliutigissagaat.

Imm. 2. Agguaassat annertussusaat aningaasaateqarfiup malittarisassaasa sumiginnarneqarsinnaanerannik nassataqartussat isumaqarfigineqarpat, aningaasaateqarfimmumut oqartussaasut siulersuisut isumaqatiginiareerlugit siulersuisunut peqqusisinnaapput pisariaqaarneratut iliuseqaqqullugit agguaassassat amerlineqarnissaat ikililerneqarnissaalluunniit siunertaralugu.

Imm. 3. Erhvervs- og Selskabsstyrelsen aningaasaateqarfimmum oqartussaasut oqaaseqaataat malillugu siulersuisut peqqusinnaavai unerartitseqqullugit.

§ 43. Siulersuisut pilersitsisunut, siulersuisuni ilaasortanut, kukkunersiuisunut, pisortanut inunnulluunniit aningaasaateqarfimmi pisortatut atorfeqartunut allatigut pisasaqartitsisinnaanngillat akissarsiat, suliat suussusii annertussusiilu malillugit pisarnertut isumaqarfiginartut, saniatigut. Aamma taamaassaaq kimulluunniit, inunnut taagorneqartunut aappaanikkut imaluunniit aappatut inooqataanikkut attuumassuteqartumut, tunngatillugu.

Imm. 2. Inunnut imm. 1-imi taagorneqartunut taarsigassarsisitsinissaq taarsigassarsianullu qularnaveerusiinissaq inerteqqutaapput.

Kapitali 8

Taarsiissuteqartarnej

§ 44. Siulersuisuni ilaasortat, pisortat misissueqqissaartartullu, suliasarititaasunik ingerlatsinermi piaaraluneernikkut mianersuaalliornikkulluunniit aningaasaateqarfimmum ajoqusiimasut taarsiissuteqartussaapput.

Imm. 2. Imm. 1-imi aalajangersagaq taamatulli atortuutinneqassaaq kukkunersiuisunut tunngatillugu. Kukkunersiuisutut ingerlatseqatigiiffik kukkunersiuisussatut toqqarneqarsimappat, kukkunersiuisutut ingerlatseqatigiiffik taamatullu kukkunersiuisoq kukkunersiuisartussaataasoq taarsiissuteqarnissamut akisussaataaassapput.

Imm. 3. Taarsiissutissat ikililernerqarsinnaapput, pisuunerup annertussusaa, ajoqusiinerup annertussusaa pissutillu allat eqqarsaatigalugit tamanna naleqquttuusorineqarpat.

§ 45. Siulersuisuni ilaasortanik, pisortanik, misissueqqissaartartunik, kukkunersiuisunik inummilluunniit allamik eqqartuussisulersuussinissamik aalajangerneq siulersuisut imaluunniit aningaasaateqarfimmum oqartussaasut aalajangiinerisinnaavaat.

§ 46. Inuit § 44, imm. 1-imi 2-milu taagorneqartut aamma ajoqusiinernut, imminnut suliasarititaasunik ingerlatsinermi piaaraluneernikkut mianersuaalliornikkulluunniit akiligassarfigisanut inummilluunniit allamut ajoqusiinerusunut, taarsiissutissat akisussaaffigissavaat.

Imm. 2. § 44, imm. 3 taamatulli atortuutinneqassaaq.

§ 47. Siulersuisuni ilaasortanut, pisortanut, misissueqqissaartartunut kukkunersiuisunulluunniit eqqartuussisulersuussiniutit najukkami aningaasaateqarfiup angerlarsimaffeqarfiani eqqartuussivikkut suliaasiissutigineqarsinnaapput.

Kapitali 9

Malittarisassanik il.il. allanngineq

§ 48. Siulersuisut inassuteqarnerisigut aamma inatsiseqarnermut ministerip akuersineratigut aningaasaateqarfimmum oqartussaasut akuerisinnaavaat malittarisassani aalajangersagaq allanngortinneqassasoq. Taamaallornermi akuerineqarsinnaavoq aningaasaateqarfik aningaasa-

teqarfinnut inuussutissarsiutitut ingerlatanut allanut kattutitinneqassasoq imaluunniit atorunnaarsinneqassasoq.

Imm. 2. Imm. 1-imi aalajangersakkat atortuutinneqassapput, malittarisassani siulersuisut allaluunniit malittarisassanik allannguisinnaatitaagaluarpataluunniit.

Imm. 3. Inatsiseqarnermut ministeri maleruagassiorsinnaavoq siulersut kisimiillutik imaluunniit siulersuisut aningaasaateqarfimmut oqartussaasut akuersisillugit malittarisassat aalajangersagartaasa ilaannik allanngortitsisinnaanerat pillugu.

§ 49. Inatsiseqarnermut ministeri aningaasaateqarfimmut oqartussaasut siulersuisullu isumaqatiginiyaqatigereerlugit aalajangiisinnaavoq, malittarisassani aalajangersagaq allanngortinneqassasoq, aalajangersagaq taanna naammassineqarsinnaanngippat imaluunniit naleqqutinningsuunera paasinarsisimappat.

Imm. 2. Inatsiseqarnermut ministerip aalajangersinnaavaa, malittarisassani aalajangersagaq allanngortinneqassasoq, taanna inatsisinut imaluunniit aningaasaateqarfimmi pilersitsinermi allakkianut akerliuppat.

§ 50. Inuussutissarsiornermut ministeri maleruagassiorsinnaavoq aningaasaateqarfinnik inuussutissarsiutitut ingerlatanik atorunnaarsitsisarneq pillugu.

Imm. 2. Inuussutissarsiornermut ministeri maleruagassiorsinnaavoq, tamatuma kingorna aktieselskabit pillugit inatsimmi Kalaallit Nunaannut kunngip peqqussutaatigut atortuulersinneqarsimasumi kapitali 15 pisariaqarneratut naleqquttunngorsaatitalerlugu makkununga atortuutinneqartussanngorlugu:

- 1) aningaasaateqarfinnik inuussutissarsiutitut ingerlatanik kattussineq,
- 2) kattussineq, tamatumuuna piginnittutut aningaasaateqarfik pigisatut sullivimmik, aktieselskabiullunuunniit anpartsselskabiusumik, tiguisussanngorlugu.

§ 51. Aningaasaateqarfik inatsimmi matumani pineqartunut ilaalissappat, tamanna aningaasaateqarfik inuussutissarsiutitut ingerlatatut Erhvervs- og Selskabsstyrelsimut nalunaarutigineqassaaq. Nalunaarut tiguneqareersimassaaq aningaasaateqarfiup inuussutissarsiutitut ingerlanneqalerneraniit kingusinnerpaamik qaammatit sisamat sap. akunnerilu pingasut qaangiunneranni. Nalunaarummut ilanngussatut ilanngunneqassaaq siulersuisut ingerlatsineq pillugu nassuiaataat. § 5, imm. 2-mi, § 7, imm. 1, nr.5-imi kiisalu § 9-mi maleruagassat nalunaarsuinnermi atortuutinneqassapput.

§ 52. Aningaasaateqarfik inuussutissarsiutitut ingerlatsiunnaassappat, siulersuisut tamanna Erhvervs- og Selskabsstyrelsimut nalunaarutigissavaat. Nalunaarummut ilanngussatut ilanngunneqassaaq ingerlatsinerup unitsinneqarneranut nassuiaat. Aningaasaateqarfik aningaasaateqarfinnut inuussutissarsiutitut ingerlatanut nalunaarsuiffimmiit peerneqassaaq ukiup naatsorsuusiorfiusup tulliuttup aallartinneraniit, styrelsillu aningaasaateqarfimmut oqartussaasut tamatuminnnga ilisimatissavai.

Kapitali 10

*Nalunaaruteqarneq nalunaarsuisarnerlu
Aningaasaateqarfimmut oqartussaasut aamma Erhvervs- og Selskabsstyrelsip
suliassai*

Misissueqqissaarneq

Nalunaaruteqarneq

§ 53. Erhvervs- og Selskabsstyrelsimi aningaasaateqarfiit inatsimmi matumani pineqartut nalunaarsuiffeqartitaassapput.

Imm. 2. Erhvervs- og Selskabsstyrelsimut § 5 naapertorlugu nalunaaruteqarneq tiguneqareer-simassaaq malittarisassat atsiorneqarneranniit kingusinnerpaamik qaammatit pingasut qaan-giunneranni. Aningaasaateqarfik kingornussassiinikkut pilersitaasimappat, pigisat suliarine-qarnerat naammassineqarniariarpat nalunaarutigineqassaaq.

Imm. 3. Aningaasaateqarfiup malittarisassaani allannguutit imaluunniit pissutsimi, nalunaa-rutaareersumi allannguutit, nalunaarutigineqassapput, taamaalilluni nalunaarut Erhvervs- og Selskabsstyrelsimi tiguneqartussanngorlugu malittarisassat atsiorneqarneranniit imaluunniit pissutsip allannguuteqarneranniit kingusinnerpaamik sapaatit akunnerisa arfineq-marluk qaan-giunneranni.

Imm. 4. Erhvervs- og Selskabsstyrelsip nalunaarutit nuutsinneqarneri aningaasaateqarfimmut oqartussaasunut nassutissavai kiisalu nalunaarsuinerneq nalunaarfialugit.

§ 53 a. Piffissaliussat, inatsimmi matumani imaluunniit inatsit manna naapertorlugu aalajan-gerneqartut, aallartittassapput ullormiit pisut piffissaliisitsissutaasut piffiata aqaguaniit ilann-gullugulu. Tamanna atuutissaaq ullunik taamatullu sapaatit akunnerinik, qaammatinik ukiunil-lu piffissaliiniarluni naatsorsuinerneq.

Imm. 2. Piffissaliussaq sapaatit akunnerinut taaneqarsimappat, piffissaliussaq naassaaq, tak.imm. 1, sapaatip akunnerata ulluani pissutsit piffissaliisitsissutaasut piffigisaani.

Imm. 3. Piffissaliussaq qaammatinut taaneqarsimappat, piffissaliussaq naassaaq, tak.imm.1, qaammatip ulluani pissutsip piffissaliisitsissutaasup piffigisaani. Ulloq taanna, pissutsip pif-fissaliisitsissutaasup piffigisaa qaammatip ulluisa kingullersarippassuk, imaluunniit piffissa-liussaq qaammatip ulluani nassaassaangitsumi naassappat, piffissaliussaq tamatigut naasas-saaq qaammatip ulluisa kingullersaanni qaammatip qassinik ulloqarnera apeqquataatinnagu.

Imm. 4. Piffissaliussaq ukiunut taaneqarsimappat, piffissaliussaq naassaaq, tak.imm. 1, ukiup ulluani pissutsip piffissaliisitsissutaasup piffigisaani.

Imm. 5. Piffissaliussaq sapaatit akunnerata naanerani, nalliuttumi, inatsisitaarfimmi, juulliaq-qami ukiutoqqamiluunniit naassappat ulluinnarmut siullertut tulliuttumut sivitsorneqassaaq.

§ 54. Tunngaviusumik aningaasaatinik pilersitsinerneq, qaffaanerme ikililerinerneq imaluunniit nalunaarummut ilalngunneqassapput tamatumunnga atsumik aningaasartuutit pillugit paa-sissutissat.

Nalunaarsuineq

§ 55. Nalunaarsuineq itigartitsissutigineqassaaq nalunaarutigisaaq inatsimmut matumunna-ga, aalajangersakkanut, § 11, imm. 1, § 50 aamma § 60, imm. 2 aamma 3, naapertorlugit aala-jangersarneqartunut imaluunniit malittarisassanut naapertuutinnappat.

Imm. 2. Nalunaarutigisaaq kukkuneq amigaatillu pissutigalugit nalunaarsorneqarsinnaanngip-pat, Erhvervs- og Selskabsstyrelsi iluarsinissamut piffissaliisinnavaoq. Piffissaliussaq qaan-giutsinnagu iluarsisoqanngippat nalunaarsuineq itigartitsissutigineqassaaq.

Imm. 3. Nalunaaruteqartoq nalunaarsuinissap itigartitsissutigineqarneranik tamatumunngalu pissutaasunik allakkatigut nalunaarfigineqassaaq.

§ 56. Aningaasaateqarfinnut inuussutissarsiutitit ingerlatanut nalunaarsuiffimmi inatsit manna malillugu imaluunniit maleruagassat inatsit naapertorlugu suliaasut malillugit nalunaarsuinerit Atuagagdliutini Statstidendemilu ingerlaannaq nalunaarutigineqartassapput.

Imm. 2. Atuagagdliutini Statstidendemilu nalunaarutit imarisaat inummit allamit ilisimaneqalersutut naatsorsuunneqassapput.

Imm. 3. Erhvervs- og Selskabsstyrelsiip aalajangersinnaavaa, nalunaarsuinerit il.il.tamarmik ilaannaalluunniit Atuagagdliutini nalunaarsuinerillu pillugit aviisiini immikkut ittuni tamanut saqqummiunneqassasut. Styrelsiip aammattaaq aalajangersinnaavaa nalunaarsuineq tamanullu saqqummiussineq pissasoq Atuagagdliutini aammalu styrelsiip qarasaasiatigut paasissutissii-sarfiagut, nalunaarsuinerit pillugit aviisiini nalunaaruteqarnermut peqatigitillugu imaluunniit taakkununga taarsiullugu. Paasissutissat Atuagagdliutini kiisalu qarasaasiatigut paasissutissiisarfimmi nalunaarsuinerillu pillugit aviisiini tamanut saqqummiunneqartut inummit allamit ilisimaneqalersutut naatsorsuunneqassapput sutigullu tamatigut Atuagagdliutini Statstidendemilu saqqummiussinertulli inatsisitigut sunniuteqartussaassapput.

§ 56 a. Pilersitsisut aqutsisullu atorfi, aqqi najugaallu pillugit paasissutissat Erhvervs- og Selskabsstyrelsiip qarasaasiatigut paasissutissiisarfiani qaqugukkulluunniit takuneqarsinnaassapput, Erhvervs- og Selskabsstyrelsi allatut aalajangiisimangippat. Tamanna atuuppoq aningaasaateqarfinnut inuussutissarsiutitit ingerlatanut sulii piusunut atorunnaarsimasunullu.

Imm. 2. *Imm. 1* malillugu paasissutissanik inunnut tunngasunik nutarterineq atorunnaassaaq, inuup pineqartup sullivinni, Erhvervs- og Selskabsstyrelsiip qarasaasiatigut paasissutissiisarfiani nalunaarsorneqarsimasuni, suliuunnaarneraniit ukiut 20-t qaangiunneranni.

*Aningaasaateqarfimmut oqartussaasut aamma Erhvervs- og Selskabsstyrelsiip
suliassai*

§ 57. Aningaasaateqarfimmut oqartussaassuseqarneq inatsit manna malillugu ingerlanneqassaaq inuussutissarsiuteqarnermut ministerimit. Aningaasaateqarfiup pingaarnertut siunertai inatsiseqarnermut ministerip suliassaqarfiiniippata, aningaasaateqarfimmut oqartussaassuseqarneq inatsiseqarnermut ministerimit ingerlanneqassaaq. Aamma taamaassaaq, aningaasaateqarfik arlalinnik imminnut nallersuuttunik siunertaqarpat, ministerip ataatsip ataaniinngitsunik.

Imm. 2. Inatsimmi matumani aalajangersakkanik unioqqutitsinermi aningaasaateqarfimmut oqartussaasut imaluunniit Erhvervs- og Selskabsstyrelsiip siulersuisut, pisortaq kukkunersuiisortluunniit peqqusinnaavai pissutsit inatsisip maleruagassartaanut naapertuuttunngorteqqullugit.

Imm. 3. Aningaasaateqarfimmut oqartussaasut aamma Erhvervs- og Selskabsstyrelsi paasissutisseeqquisinnaapput, suliassaminnik isumaginninnissamut pisariaqartitaminnik.

Imm. 4. Erhvervs- og Selskabsstyrelsi piffissaliussanik nalunaarummi matumani aalajangerneqartunik sivitsuisinnaavoq.

§ 57 a. Aningaasaateqarfimmut oqartussaasut aalajangersaasinnaapput nakkutilliineq pillugu maleruagassat aningaasaateqarfiit malittarisassaanni atortuulerseriikkat allat qanoq annertutigisumik inatsimmi maleruagassat nalinginnaasut saniatigut atuutsitsinneqarnissaat pillugu.

§ 58. (Atorunnaarsinneqarpoq).

Misissueqqissaarneq

§ 59. Erhvervs- og Selskabsstyrelsi aalajangiislinnaavoq, aningaasaateqarfik inuussutissarsiu- titut ingerlataq, taassuma aqutsinera naatsorsuutaaluunniit pillugit pissutsit erseqqinnerusumik taagorneqartut misissoqqissaarneqassasut. Styrelsi misissueqqissaarisussamik ataatsimik arla- linnilluunniit toqqaassaaq. Misissueqqissaarnermi aningaasartuutit styrelsimit akilerallarne- qassapput, aningaasaateqarfimmi akilerneqassallutik.

Imm. 2. Aningaasaateqarfimmut siulersuisut qullersaqarfillu misissueqqissaartunut paasissu- tissiisassapput, aningaasaateqarfimmik naliliinermut pingaaruteqarsorineqartunik aamma, aningaasaateqarfik piginnittuuppat, ingerlatseqatigiiffissuaq taamatut paasissutissittassavaat.

Imm. 3. Siulersuisut qullersaqarfillu misissueqqissaartunut piginnaatitsissapput pisariaqarso- risaminnik misissuiffiginninnissaannut, misissueqqissaarisartullu suliassaminnik ingerlatsinis- samut pisariaqartitaannik paasissutissillugillu ikiorserneqartarnissaat isumagissavaat.

Imm. 4. Misissueqqissaarisartut Erhvervs- og Selskabsstyrelsimut allaganngukkamik nalu- naarusiortassapput. Akissarsiassaat Styrelsimit aalajangerneqassapput.

Imm. 5. Erhvervs- og Selskabsstyrelsip aningaasaateqarfimmut oqartussaasut nalunaarusiap nuutsinneqarneranik nassissavai.

Aalajangersakkat immikkut ittut

§ 60. Allakkat, naqitanngortitat allakkiallu allat Erhvervs- og Selskabsstyrelsimut suliarine- qartut pappialanngorlugit taamatullu qarasaasiakkoortillugit tunniussaasinnaapput. Allakkiat qanoq iluseqarnerat apeqqutaatinnagu inatsisit naapertorlugit naligiitsitaassapput. Allakkiat atsiugaasinnaapput atsiugaanatilluunniit, atsiorneri maskiinamik allataasinnaapput digitalimik imaluunniit styrelsip qinigaanik taamatupajaaq allataasinnaallutik.

Imm. 2. Nalunaarutiginnissutit, naatsorsuutit allallu allakkiat Erhvervs- og Selskabsstyrelsi- mit inatsit manna naapertorlugu tiguneqartussat, pappialanut qarasaasiamulluunniit allataasin- naapput. Allakkiat qanoq iluseqarnerat apeqqutaatinnagu inatsisit naapertorlugit naligiitsitaas- sapput. Allakkiat inummit namminermit atsiugaasinnaapput, atsiorneri maskiinamik allataa- sinnaallutik, digitalimik imaluunniit styrelsip erseqqinnerusumik aalajangiinera malillugu taamatupajaaq allataasinnaallutik. Allakkianik eqqartorneqartunik qarasaasiatigut nassitsisar- neq, matumani ilanngullugu nassiussinerup styrelsip aalajangigaanik iluseqarnissaa, pillugit styrelsi malittarisassiussaaq. Styrelsi aammattaaq qarasaasiat nassitsivissat pillugit erseqqinne- rusunik piunasaqaateqarsinnaavoq.

Imm. 3. Styrelsi nalunaarutiginninneq nalunaarsuisarnerlu pillugit malittarisassiussaaq, ma- tumani ilanngulluguttaaq nalunaarutiginnittut allalluunniit namminneq sunik styrelsip qara- saasiaqarfianut nalunaarsuisinnaanersut aamma qarasaasiaqarfiup tamatuma atorneqarnissaa pillugu. Nalunaarsuinerit taamaattut nalunaarummik nassiussinissamut taarsiullugu atuutis- sapput. § 53, imm. 3 nalunaarsuinerit taamaattunut atuupportaaq.

Imm. 4. Imm. 2 aamma 3 naapertorlugit malittarisassat aalajangersarneqartut malillugit na- lunaaruteqarnermi nalunaarsuinermilu styrelsi piffissamit nalunaarsuiffiusumiit ukiut 5-it ti- killugit piunasaqarsinnaavoq nalunaarutiginnissimanerup nalunaarsuinerulluunniit inatsisinut naapertuuttumik pisimaneranut uppernarsaammik nassiusseqqusilluni, tak. § 55, imm. 1.

Imm. 5. Styrelsi nalunaaruteqarnernut, naqitanngortitsinernut il. il., tamanut nalunaarutinit, styrelsip qarasaasiaqarfianik atuinnermut aammalu kingusinaartumik akiliisoqarnerani eqqaasitsissutitut allakkanut akiliutissat pillugit malittarisassanik aalajangersaasinnaavoq. Styrelsi aammattaaq malittarisassiorsinnaavoq inatsimmik matuminnga atusitsinermi aningaasartuutitut aningaasaateqarfiit ataasiakkaat matusissutissanik akiliuteqarnissaat pillugu.

§ 61. Nalunaarsuinerit kiisalu nalunaarutit ilanngussartallit tiguneqartut, kattunnissamik pilersaarutit kiisalu naliliisartuniit nalunaarsuinnermut atasumik uppenarsaatitut nalunaarutit kikkunnilluunniit takuneqarsinnaassapput.

Imm. 2. Paasissutissat il. il. aningaasaateqarfiup niueriaasianut ingerlatsineranullu tunngasut, aningaasaateqarfimmud oqartussaasunit tigummineqartut, tamanit takuneqarsinnaatitaanngillat, paasissutissat pineqartut pisortat ingerlatsineranni paasitinneqarsinnaaneq pillugu inatsimmi Kalaallit Nunaannut kunngip peqqussutaatigut atortuulersinneqarsimasumi malittarisassat malillugit pappiaraatinik takunnissinnaatitaanermi pineqanngippata.

Imm. 3. Erhvervs- og Selskabsstyrelsi aalajangersagaliorsinnaavoq paasissutissat aningaasaateqarfimmud oqartussaasunit tigummineqartut aammalu aningaasaateqarfiup inuussutissarsiutitut sulissuteqarneranut tunngassuteqanngitsut tamanit takuneqarsinnaatitaassanngitsut.

§ 61 a. Inuussutissarsiuteqarnermut ministerip inatsit malillugu piginnaatitaanini Erhvervs- og Selskabsstyrelsimut nuutsikkunigit, ministeri maleruagassiorsinnaavoq maalaaruteqarsinnaaneq pillugu, matumani ilanngullugu maalaarutit allaffissornikkut pisortanut qulliunerusunut ingerlatinneqarsinnaanngitsut.

§ 62. Nalunaarsuineq arlaata piginnaatitaaffinik ajoqusiippat, nalunaarsuinerup peerneqarnissaanik apeqqut eqqartuussiviit aalajangiiffigisassaraat. Tamanna pillugu suliassaq aningaasaateqarfiup tungaanut suliassiissutigineqassaaq nalunaarsuinerup Atuagagdliutini Statstidendemilu nalunaarutigineqarneraniit kingusinnerpaamik qaammatit arfinillit qaangiuppata. Eqqartuussiviup Erhvervs- og Selskabsstyrelsi eqqartuussissutip assilineqarneranik nassissavaa. Suliassap qanoq inerneqarnera pillugu aningaasaateqarfinnut inuussutissarsiutitut ingerlatanut nalunaarsuiffimmi oqaaseqaammik akiliutitaqartinneqanngitsumik ilanngussisoqassaaq suliassallu inerneru Atuagagdliutini Statsstidendemilu nalunaarutigineqassaaq.

Imm. 2. Aalajangiinerit allat Erhvervs- og Selskabsstyrelsimi inatsit imaluunniit najoqqutasiat inatsit malillugu sananeqarsimasut naapertorlugit, aningaasaateqarfimmud oqartussaasutut aalajangiinerit eqqaassanngikkaanni, tak. § 57, imm. 1, oqaaseqatigiit siulliit, Inuussutissarsiuteqarneq pillugu Maalaaruteqartarfimmud ingerlateqqinneqarsinnaapput aalajangiinerup pineqartumut nalunaarutigineqarneraniit kingusinnerpaamik sapaatit akunnerisa arfineq-marluk qaangiunneranni.

Imm. 3. Taamaattorli Erhvervs- og Selskabsstyrelsip § 55, imm. 2 malillugu piffissaliussaa aammalu § 57, imm. 4, malillugu piffissaliussamik sivitsuinera, kiisalu § 5, imm. 2, § 37, § 57, imm. 3 aam-ma § 59 malillugit aalajangiineri allaffissornikkut pisortanut qulliunerusunut ingerlateqqinneqarsinnaanngillat.

Kapitali 11

Pineqaatissiissutit il.il.

§ 63. Kalaallit Nunaannut pinerluttulerinermi inatsit malillugu sakkortunerusumik pineqaatissiinissaq pissutissaqanngippat, nalunaarutinik Erhvervs- og Selskabsstyrelsimut nassiussinissaq pillugu inatsimmi najoqqutassanik unioqqutitsineq akiliisitsissutaassaaq. Taamatuttaaq akiliisussanngortitaassapput siulersuisuni ilaasortat, pisortat, kukkunersuiusut misissueqqis-saartartullu imaluunniit taakkununga sinniisussat, imminnut suliassarititaasunik sulinerminni ilisimalikkaminnik pisinnaatitaanatik oqaatiginnissimagunik.

Imm. 2. Akiliisitaanermik pineqaatissinneqassaaq piaaraluneernikkut mianersuaalliorujus-suarinnikkulluunniit § 23-mik, § 25, imm. 3-mik, § 51-imik imaluunniit § 67, imm. 1-imik unioqqutitsisoq.

Imm. 3. § 19, imm. 1-imik, § 21, imm. 3-mik, § 21 a-mik aamma § 43-mik unioqqutitseru-jussuarneq imaluunniit arlaleriarluni unioqqutitsineq akiliisitsissutaassaaq.

Imm. 4. Pinerluttulerinermi inatsit malillugu sakkortunerusumik pineqaatissiinissaq pissutis-saqanngippat kodemik isissutissamik imaluunniit siulersuisut elektroniskimik ataatsimiinne-rannut elektroniskimik isiginnaarnissamut peqataanissamulluunniit isissutissamik allamik in-gerlatitseqqiisoq imaluunniit atuisoq, matumani ilanngunneqarluni eletroniskimik taasineq, akiliisussanngortinneqassasoq.

Imm. 5. Pinerluttulerinermi inatsit malillugu sakkortunerusumik pineqaatissiinissaq pissutis-saqanngippat inuk nalunaarutinik elektroniskiusunik il.il., eletroniskimik attaveqaatigiinneq pillugu aalajangersakkani § 21 a, imm.2, oqaaseqaatigiinni siullerni pineqartunik, atuaanissa-mut, allanngortitsinissamut nassiussinissamullu kodemik isissutissamik isissutissmilluunniit allamik pisinnaatitaanani ingerlatitseqqiisoq imaluunniit atuisoq akiliisussanngortinneqassaaq.

Imm. 6. Najoqqutassani, inatsit naapertorlugu sananeqartuni, aalajangersaasoqarsinnaavoq najoqqutassani aalajangersakkanik unioqqutitsinermut akiliisussanngortitsisoqarluni pineqaat-
tissiisoqassasoq.

§ 64. Aningaasaateqarfiup siulersuisui, qullersaqarfia kukkunersuiusulluunniit pisussaaffin-nik, Erhvervs- og Selskabsstyrelsimut imaluunniit aningaasaateqarfimmut oqartussaasunut naleqqiullugu pisussaaffigilikkaminnik, imaluunniit maleruagassat inatsit naapertorlugu su-liaasut malillugit pisussaaffigisaminnik, piffissaq eqqorlugu malinninngitsoorpata, Erhvervs- og Selskabsstyrelsip imaluunniit aningaasaateqarfimmut oqartussaasut pineqartunut pinngit-saaliissutitut ullormoortunik imaluunniit sapaatit akunneranoortunik akiliisussanngortitsisin-naapput.

Kapitali 12

Atortuulersitsissutitut aalajangersakkat il.il.

§ 65. Peqqussut atortuulissaaq ulloq 1. august 2008.

Imm. 2 Tamatuma peqatigisaanik atorunnaassaaq aningaasaateqarfiit inuussutissarsiutitut ingerlatallit pillugit inatsisip Kalaallit Nunaannut atortuulersinneqarnissaanik peqqussut nr. 1212, 7. december 2004-meersoq.

Imm. 3. (Ilanngunneqanngilaq).

§ 66. (Kalaallit Nunaannut atortuulersinneqanngilaq)

§ 67. (Kalaallit Nunaannut atortuulersinneqanngilaq)

§ 68. (Kalaallit Nunaannut atortuulersinneqanngilaq)

Tunniunneqarpoq Christiansborg Slot-imi, ulloq 23.juni 2008

Kunngiussutsitsinnik Atsiorpugut Naqissusiillutalu

MARGRETHE R.

/Bendt Bendtsen